

خزینہٴ اوراق

نمبر
۲۸

جمعہ ایرتسی

تاریخ تألیف
۱ مایس سنہ ۱۲۹۷

عمومی اعتباریہ قانونہ دائر رسالہٴ ادبیہ در

آیدہ درت کرہ اولہرق جمعہ ایرتسی کونلری چیقار

(حسب حال) ده ذکر اولند قلرندن بابل هر درلو وعظ و نصیحتی
اومنبرلرده ایضا ایتمشدر. بو حالده سری پاشا حضرتلری کلمستا -
نک عرفانی صوصدیر مق ایچون بایی منبردن اشاعی الملری لازم کلیور.
مصرع ثانی ایسه

عبدالحق حامد بک

«نماز وقتی کاور فکر شاعرانه ایچون

هلی الصباح نه خوشدر اذانک ای بابل» کبی

ناشنیده بر کفته سنده - بلبک اذانسه او کوزل وقت تخصیص
پیورلمش اولدیغندن پاشای مشارالیه حضرتلرینک بابلنه تبعیت
اقتضا ایدپور.

فقط

« وار ایسه سنسن او دولت قوشی حقیقتده

بر ادی چیقدی کرچه همانک ای بابل »

یتیله سری پاشا حضرتلری بهره ادیده لرینی صحیحاً کیارانه اظهار
پیورمشلر و بلبک باشنه « دولت قوشی بر تاج طبیعت اوله رق
ماهرانه بر ضتعلاه قوندیرمشلر در.

بو جهته درکه

« خروش جوی بهاریمی خنده کللی » کبی

اضافتلی نکته لر « کلک » کبی (نوای) کبی (پروانه) کبی

الفاظ ایچون هر حالده سکوت واجب اولمشدر.

(محمود جلال الدین)

شرقک اعظم حکما سندن (ابن سینا) نک بر پیوک کشفی

مقصده باشلامزدن اول دیرز که (معلم ثالث) یاخود الشیخ

الرئيس) عنوان جلیلی ایله نام خذاقت اتسامی وصیت وشهرت
 ابدی الدوامی بتون عالم طبابتی طولدیران « ابن سنیا » قرون
 وسطاده تعلیم وتدریس ایلدیکی علوم طبیه و « ارسطو »
 فلسفیاتندن بشقه بالذات سالک اولدیغی مسلك خصوصی
 (حکیمان مشرقیه) سنک تخمینی (قوجه آسیا) قطعده سنه نصل
 اکمش ایسه اوروپا قطعده سنه دخی اولهجه صاچش اولدیغنی
 شرق مؤلفیندن غایت بیطرفانه ومنصفانه بیان حقیقت ایدن
 بعض ذوات معارفسماتک انار معتبره لرنده چشم مسرتله او قیورز.
 اوروپا مؤلفلرندن بعض ذوات حقانیتسمات اطپای اسلامیه
 حقنده یازدقلری مؤلفات پسندیده و انار مهمه بر کزیده لرنده
 دیورلر که « دفیئة علوم شرقیه نک هنوز کشف وعیان اولنه.
 مامسی کرک مترجملریمک لسان فصیح البیان عربیه کماله واقف
 اوله مدقلری جهته یا کلش اولدرق ابتدا لاتنجیده نقل وترجه
 ایتدکلرندن و یا خود حقیقت حاله آگاه اولوبده مخصوصاً تغیر
 وتحریف ایدرک ترجمه ایتمش اولدقلرندن نشأت ایتشدر « دیو
 بیان کیفیتله تأسف ایدیورلر .

کله لم صده: المانیا مشاهیر کالیتندن « هیرشل » نام طیب
 (تاریخ امراض عینیه) نامیلله یازدیغی کتابنده « بن سنیا » نک علم
 امراض عینیه دأثر انار و کشفیاتندن بحث ایتدیکی مقلده سنده
 فرانسه کالرندن توفی « راوی یل » نام طیب (اخراج بالشریحه)
 اصولیلله چیقاردیغی پرده بی کندوسندن بر قاج عصر اول « ابن
 سینا » نک پرده بی « قرینه شفافه » یه قریب (بیاض العین) دن
 بالذات چیقاردیغنی (القانون) نام حکمتصابنده مسطور اولد .
 یغنی بیان ایدیور .

یونکله برابر شونیده دیور که « ابن سینا » ده بو اصول

واسطه سیله (اخراج بالشریحه) طریقی با بری سندن کورمش
ویا خود اسلافی اولان اطباء عربدن بر کمالک کتابندن الوبده
کندی قانوننه قویمشدر.

خلاصه کلام: مهره کالین سلفدن «داوی یل» نام ذاته الیوم
عطف واسناد اولنان (اخراج بالشریحه) طریقیله برده علیاتک
اخراجی «قوجه ابن سینا» نک معلومی اولدیغنی مؤلف مومی
الیه کتابنده تحریر ایلور. ابن سینانک وندیکده دفعانه باصلش
اولان عربی العبارة (القانون) نام کتاب خمسده سی اورویا
لسانلرینک اکثریسنه نقل وترجه اولنش حتی قرون
وسطاده کافه مدارس طبیه اسلامیده اوقوندیغنی کبی فرانسه
(مون پللیسه) وایتاده (سارن) نامان مکاتب طبیه مشهو-
رده دخی تام التیوزسنه رحله آرای تدریسی اولارق اسالاساس
اتخاذ قلمش اولدیغنی مؤلفین طبیه دن مشهور «پوشه» نام ذاتک
(پیوک آلبر) نک عصری نامیه تالیف کرده سی اولان کتابنده چشم
مسرته کورلمشدر.

«ابن سینا» نک (القلان) نام کتاب اکبر واشهرندن بشقه دها
پک چوق تصنیفات وتالیفات علیه سی موجود وبونلرک هر بریسنده
نیجه نیجه فوائد دقیقه حکیمه مندرج ومشهود ایسه ذکر اولنان
«ابن سینا» نک (القانون) نام کتاب مستطابی قرون وسطاده بتون
آسیا واوروپا حکما سنک ایادی نظامتیکارنده غایت معزز ومحترم
برقانوننامه طبابت حکمنده طوطلسی واول وقتک اساتنده وطلابی القا-
نونک احکام مندرجه طبیه سیله اجرای عمل ایتمی حتی قرون اخر-
نک همان بدانیلریته دکن (القانون) نک مؤلفات طبیه اسلامیه نک
همان کافه سی اوزرینه تقدیم وترجیح اولتمی البته مصنفی اولان

«ابن سینا» نك علوم طبیعه ده واصل درجه علیا و فنون حکیمه ده
رئیس حکمه دنیا اولدیغنه دلیل علیدر .

«ابن سینا» نك ابنای جنسنه بوقدر حسن خدمتی ایله برابر
وحدانیت الهیه و اثبات محمدیه حقنده اولان تألیف جمیله لری
بو مؤمن تام الاعتقاد اولدیغنه دلیل کافیدر حتی بعضیلر طرفندن
اسناد کفر ایدلدیکنی ایشیدنجه بوندن فوق العاده متأثر اوله رق
صلابت دیننه و منات اعتقادیه سنی شایه کفر ایله لکه دار ایدنلره
قارشوشدید آ مدافعہ ایتمک و کندسنه کفر اسناد اولندیغنی تقدیرده
ارتق هر قننی دورده بولنورسه بولنسون بر مسلمان بولمق درجه
استحاله یه واردیغنی اشراب ایتمک افکار حکیمانه سیله فارس العبارة
نظم و انشاد بیوردقلری مشهور (رباعیسی) تبرکاً بوجه آتی
تحریر اولنور .

«رباعی»

کفر چومنی کذافی و آسان بنود
محکمتر از ایمان مش ایمان بنود

در دهر چومش یکی و انهم کافر

پس در همه دهریک مسلمان نیود

نکته سفجان احبادن بر نور سیده نك حکیم مشارالیه حقنده کی حسیات
وجدانیه سنی تصویر آ سویلدکلری قطعه شیرین ادا درج مقالة افتخار
قلور . «قطعه»

ابن سینا کیم حکیم حاذق مشهوردر

نام سامیسی یدی کشورده باقی مذکوردر

چونکه اولمش مستفید اثار کلکندندن جهان

اعتقاد بجه خطامی اولسده ده مغفوردر رشیدک